

Ministarstvu obrazovanja i nauke Tuzlanskog kantona  
Ul.Muhameda Hevaija Uskufija br:1/III, 75000 Tuzla

-----  
( Ime, ime oca i prezime učenika, adresa i kontakt telefon)

**PREDMET: Prijava na konkurs za stipendiranje učenika sa invaliditetom u osnovnim školama na području Tuzlanskog kantona**

Prijavaljujem se na konkurs za stipendiranje učenika sa invaliditetom u osnovnim školama na području Tuzlanskog kantona u školskoj 2022/23.godini

Uz prijavni obrazac dostavljam:

- uvjerenje o statusu redovnog učenika osnovne škole u školskoj 2022/2023. godini (original ili ovjerena kopija),
- uvjerenje o državljanstvu (original ili ovjerena kopija),
- svjedočanstva o prethodno završenim razredima osnovne škole (original ili ovjerena kopija),
- ovjerena izjava da kandidat za stipendiju ne koristi ili nije dobitnik neke druge stipendije iz Budžet Tuzlanskog kantona,
- e) dokaz-rješenje o stepenu invalidnosti, (orginal ili ovjerene kopije)

U \_\_\_\_\_ godine

Podnosilac prijave

886

Na osnovu članova 8. i 23. Zakona o ministarstvima i drugim organima uprave Tuzlanskog kantona-prečišćeni tekst ("Službene novine Tuzlanskog kantona", broj: 10/18) i člana 160. stav (3) Zakona o srednjem obrazovanju i odgoju-prečišćeni tekst („Službene novine Tuzlanskog kantona“, br. 10/20,11/20, 8/21, 11/21, 22/21, 5/22, 10/22 i 11/22), ministar obrazovanja i nauke Tuzlanskog kantona donosi

## **ODLUKU**

**o utvrđivanju uslova i kriterija za stipendiranje učenika sa invaliditetom u srednjim školama na području Tuzlanskog kantona**

### **I. OPĆE ODREDBE**

#### **Član 1. (Predmet)**

Ovom odlukom utvrđuju se uslovi i kriteriji za stipendiranje učenika sa invaliditetom u srednjim školama na području Tuzlanskog kantona.

#### **Član 2. (Korisnici prava)**

Pravo na dodjelu stipendije po ovoj odluci imaju učenici sa invaliditetom u srednjim školama na području Tuzlanskog kantona po osnovu: općeg uspjeha postignutog u prethodnoj školskoj godini u smislu završenog razreda srednje škole i stepena invalidnosti, koji se obrazuju i redovno pohađaju srednju školu na području Tuzlanskog kantona u školskoj 2022/2023. godini (u daljem tekstu: kandidat).

#### **Član 3. (Finansijska sredstva)**

Finansijska sredstva za dodjelu stipendija osigurati će se u Budžetu Tuzlanskog kantona.

#### **Član 4. (Visina stipendije)**

Ukupna visina stipendije, po jednom kandidatu, i ukupan broj stipendija i način isplate stipendija utvrdit će se posebnom odlukom ministra obrazovanja i nauke Tuzlanskog kantona (u daljem tekstu: ministar), nakon osiguranja sredstava u Budžetu Tuzlanskog kantona.

### **II. USLOVI ZA DODJELU STIPENDIJA**

#### **Član 5. (Uslovi za dodjelu stipendije)**

- Pravo na dodjelu stipendije ima kandidat pod uslovom:
- da je državljanin Bosne i Hercegovine,
  - da ne koristi ili nije dobitnik neke druge stipendije iz Budžeta Tuzlanskog kantona,
  - da je redovan učenik srednje škole na području Tuzlanskog kantona i da redovno pohađa nastavu u školskoj 2022/2023. godini.

### **III. KRITERIJI ZA DODJELU STIPENDIJA**

#### **Član 6. (Kriteriji za dodjelu stipendija)**

Rangiranje kandidata za dodjelu stipendije vrši se na osnovu sljedećih kriterija:

- opći uspjeh postignut u prethodnoj školskoj godini u smislu završenog razreda srednje škole,
- stepen invalidnosti.

#### **Član 7. (Bodovanje po osnovu ostvarenog uspjeha u prethodnoj školskoj godini srednje škole)**

Po osnovu općeg uspjeha postignutog u prethodno završenom razredu srednje škole kandidatu pripadaju sljedeći bodovi:

- a) odličan uspjeh – prosjek 4,00 do 5,00.....10 bodova  
 b) dobar, odnosno, vrlo dobar uspjeh – prosjek 3,00 -3,99.  
 .....8 bodova  
 c) dovoljan uspjeh-prosjek 2, 00-2,99.....6 bodova

**Član 8.****(Bodovanje po osnovu stepena invalidnosti)**

Po osnovu stepena invalidnosti kandidatu pripadaju sljedeći bodovi:

- a) stepen invalidnosti od 90 do 100%.....10 bodova  
 b) stepen invalidnosti od 70 do 90%..... 8 bodova  
 c) stepen invalidnosti od 50 do 70 %.....6 bodova  
 d) stepen invalidnosti od 30 do 50 %.....4 boda  
 e) stepen invalidnosti od 10 do 30 %.....2 boda

**IV. POSTUPAK DODJELE STIPENDIJA****Član 9.****(Donošenje odluke i raspisivanje konkursa)**

(1) Odluku o raspisivanju konkursa za dodjelu stipendija učenicima sa invaliditetom u srednjim školama na području Tuzlanskog kantona, u školskoj 2022/2023. godinu, donosi Ministarstvo.

(2) Tekst konkursa i obrazac prijave na konkurs utvrđuje Ministarstvo.

(3) Konkurs obavezno sadrži sljedeće podatke:

- a) naziv organa koji objavljuje konkurs,  
 b) adresu organa kojem se zahtjevi podnose,  
 c) uslovi i kriteriji za dodjelu stipendije,  
 d) dokazi koje kandidati prilažu uz prijavu na konkurs (dokaz o uspjehu i dokaz o stepenu invalidnosti,  
 e) rokovi za prijavu na konkurs,  
 f) prava i obaveze kandidata,  
 g) način isplate sredstava i  
 h) druge eventualno potrebne podatke.

(4) Tekst konkursa se objavljuje na zvaničnoj veb stranici Ministarstva, od kada počinje teći rok za predaju dokumentacije.

**Član 10.****(Prijava na konkurs)**

(1) Prijave na konkurs sa potrebnom dokumentacijom, podnose se Ministarstvu, u roku od 15 dana od dana objavljivanja konkursa na veb stranici Ministarstva.

(2) Prijava na konkurs se vrši putem prijavnog obrasca, koji se može preuzeti na veb stranici Ministarstva i u službenim prostorijama Ministarstva.

(3) Kandidat je, uz popunjen prijavni obrazac, obavezan dostaviti i:

- a) uvjerenje o statusu redovnog učenika srednje škole u školskoj 2022/2023. godini (original ili ovjerena kopija),  
 b) uvjerenje o državljanstvu (original ili ovjerena kopija),  
 c) svjedočanstva o prethodno završenim razredima srednje škole (original ili ovjerena kopija),  
 d) ovjerena izjava da kandidat za stipendiju ne koristi ili nije dobitnik neke druge stipendije iz Budžeta Tuzlanskog kantona,  
 e) dokaz rješenje o stepenu invalidnosti, (original ili ovjerene kopije)

**Član 11.****(Imenovanje i sastav Komisije)**

(1) Konkursnu proceduru provodi Komisija koju imenuje ministar, u roku od 15 dana od dana isteka roka za podnošenje prijave na konkurs.

(2) Komisija ima tri člana, imenovana ispred Ministarstva.

(3) Komisija za svoj rad odgovara ministru.

(4) Članovi Komisije ne mogu biti lica čiji članovi porodičnog domaćinstva učestvuju u postupku za dodjelu sredstava po ovoj odluci.

(5) Komisija je dužna razmotriti prijave u pogledu blagovremenosti i potpunosti, utvrditi broj bodova po svakom

od osnova i najkasnije u roku od 30 dana od dana isteka roka za podnošenje prijave na konkurs sačiniti jedinstvenu rang listu i istu objaviti na veb stranici Ministarstva.

(6) Rang lista kandidata obavezno sadrži:

- a) prezime, ime jednog roditelja i ime kandidata,  
 b) broj bodova po svakom od utvrđenih osnova,  
 c) ukupan broj bodova po svim osnovama i  
 d) pouku o pravnom lijeku sa tačno naznačenim rokom za ulaganje prigovora.

(7) Neblagovremene i nepotpune prijave Komisija neće uzimati u razmatranje, a prijavljeni kandidati o istom se obavještavaju sačinjavanjem posebne liste.

**Član 12.****(Postupak po prigovoru i donošenje konačne rang liste)**

(1) Na liste iz člana 11. stavovi (5) i (7) ove odluke, nezadovoljni kandidati mogu podnijeti prigovor u roku od osam dana od dana objavljivanja listi na veb stranici Ministarstva.

(2) Prigovor se podnosi Ministarstvu u pisanoj formi.

(3) O podnesenim prigovorima odlučuje ministar u roku od 15 dana od dana isteka roka za podnošenje prigovora.

(4) Nakon okončanja postupka po prigovorima konačnu rang listu kandidata utvrđuje ministar.

**Član 13.****(Ugovor o stipendiranju)**

(1) Na osnovu konačne rang liste, ministar sa kandidatom, odnosno roditeljem/starateljem kandidata, zaključuje ugovor o stipendiranju, kojim se bliže uređuju međusobna prava i obaveze.

(2) Ugovor iz stava (1) ovog člana zaključuje se u roku od 30 dana od dana isticanja konačnih rang listi na veb stranici Ministarstva.

(3) Ukoliko kandidat, odnosno roditelj/staratelj, u roku iz stava (1) ovog člana ne potpiše ugovor, kandidat gubi pravo na dodjelu stipendije, a stipendija se dodjeljuje prvom sljedećem kandidatu sa rang liste kandidata koji nije ostvario pravo na dodjelu stipendije.

**V. GUBITAK PRAVA NA STIPENDIJU****Član 14.****(Gubitak prava na stipendiranje)**

(1) Korisnik stipendije gubi pravo na dalju isplatu stipendije, ako u toku školske godine:

- a) napusti redovno školovanje,  
 b) bude mu izrečena disciplinska mjera isključenja iz škole,  
 c) po nekom drugom osnovu prestane mu status redovnog učenika,  
 d) ako se naknadno utvrdi da su prilikom prijave na konkurs iznesene netačne činjenice na osnovu kojih mu je stipendija dodijeljena.

(2) Korisnik stipendije je dužan u roku od trideset dana od nastupanja okolnosti iz stava (1) tačka a), b), c) i d) ovog člana, obavijestiti davaoca stipendije o tim okolnostima.

**VI – ZAVRŠNE ODREDBE****Član 15.****(Stupanje na snagu Odluke)**

Ova odluka stupa na snagu danom donošenja, a objavit će se u „Službenim novinama Tuzlanskog kantona“.

BOSNA I HERCEGOVINA

-Federacija Bosne i Hercegovine-

TUZLANSKI KANTON

MINISTAR

Ministarstvo obrazovanja i nauke

Dr.sci. Ahmed Omerović, v.r.

Broj: 10/1-34-019228/22

Tuzla, 25.8.2022. godine

Ministarstvu obrazovanja i nauke Tuzlanskog kantona  
Ul.Muhameda Hevajja Uskufija br:1/III, 75000 Tuzla

-----  
( Ime, ime oca i prezime učenika, adresa i kontakt telefon)

**PREDMET: Prijava na konkurs za stipendiranje učenika sa invaliditetom u srednjim školama na području Tuzlanskog kantona**

Prijavljujem se na konkurs za stipendiranje učenika sa invaliditetom u srednjim školama na području Tuzlanskog kantona u školskoj 2022/23.godini

Uz prijavni obrazac dostavljam:

uvjerenje o statusu redovnog učenika srednje škole u školskoj 2022/2023. godini (original ili ovjerena kopija),

a) uvjerenje o državljanstvu (original ili ovjerena kopija),

b) svjedočanstva o prethodno završenim razredima srednje škole (original ili ovjerena kopija),

c)ovjerena izjava da kandidat za stipendiju ne koristi ili nije dobitnik neke druge stipendije iz Budžeta Tuzlanskog kantona,

d) dokaz-rješenje o stepenu invalidnosti, (orginal ili ovjerene kopije)

U \_\_\_\_\_godine

Podnosilac prijave

887

Na osnovu člana 14. stav (5) Zakona o osnovnom odgoju i obrazovanju („Službene novine Tuzlanskog kantona“, broj: 10/20 – prečišćeni tekst, 8/21, 11/21, 22/21, 5/22, 10/22 i 11/22), Ministarstvo obrazovanja i nauke Tuzlanskog kantona donosi

## ODLUKU

### o utvrđivanju kriterija za sufinansiranje troškova prijevoza učenika osnovnih škola za period septembar-decembar školske 2022/2023. godine

#### I.

(1) Odobrava se sufinansiranje troškova linijskog i vanlinijskog prijevoza učenika osnovnih škola Tuzlanskog kantona za period septembar-decembar školske 2022/2023. godine u iznosu od 50% mjesečne karte u linijskom prijevozu, odnosno 50% iznosa utvrđenog pismenim ugovorom između prijevoznika i korisnika usluga prijevoza u vanlinijskom prijevozu, za učenike:

- koji stanuju na udaljenosti većoj od dva kilometra od najbliže škole, a nisu obuhvaćeni subvencijama po drugim propisima i općim aktima,

- sa prebivalištem na području Tuzlanskog kantona na udaljenosti većoj od dva kilometra od najbliže škole, koji pohađaju, kao najbližu, osnovnu školu na području drugog kantona.

(2) Ugovoreni prijevoz (vanlinijski prijevoz) učenika se može organizovati u slučaju povoljnije ponude u odnosu na ponudu linijskog prijevoznika. Iznos ukupne ugovorene mjesečne karte u linijskom prijevozu ne može biti veći od iznosa mjesečne karte koju najpovoljniji prijevoznik obračunava za iste relacije i istu kategoriju korisnika usluga (učenici).

#### II.

(1) Troškovi iz tačke I. ove odluke će se realizovati preko osnovnih škola Tuzlanskog kantona, koje utvrđuju pravo na

sufinansiranje prijevoza za svoje učenike, koji ne ostvaruju navedeno pravo po drugom osnovu.

(2) Ministarstvo za rad, socijalnu politiku i povratak Tuzlanskog kantona je u obavezi obavještavati Ministarstvo obrazovanja i nauke Tuzlanskog kantona o eventualnim promjenama broja učenika/korisnika koji su u stanju socijalne potrebe, te ostvaruju pravo na finansiranje troškova prijevoza po tom osnovu.

(3) Ministarstvo obrazovanja i nauke Tuzlanskog kantona daje saglasnost na utvrđene spiskove korisnika prava na sufinansiranje prijevoza iz tačke I. za utvrđeni period iz tačke I. ove odluke, na zahtjev škole.

(4) Prijevoznici koji apliciraju po pozivu škole za prijevoz učenika moraju ispunjavati uslove za linijski i vanlinijski prijevoz učenika propisane Zakonom o cestovnom prijevozu na području Tuzlanskog kantona („Službene novine Tuzlanskog kantona“, br. 15/11, 02/14 i 9/16).

(5) Ministarstvo obrazovanja i nauke daje saglasnost na potpisivanje Ugovora za obaveze iz tačke I. ove odluke, u smislu raspoloživih budžetskih sredstava u skladu sa Budžetom Tuzlanskog kantona za 2022. godinu.

(6) Troškovi iz tačke I. stav (1) alineja 2. ove odluke realizovat će se preko općine prebivališta učenika, koja utvrđuje pravo na sufinansiranje prijevoza učenika, koji pohađaju kao, najbližu, osnovnu školu na području drugog kantona i podnosi zahtjev za sufinansiranje troškova prijevoza Ministarstvu obrazovanja i nauke Tuzlanskog kantona.

#### III.

U skladu sa Budžetom Tuzlanskog kanona za 2022. godinu („Službene novine Tuzlanskog kantona“, br. 23/21 i 8/22), troškovi iz tačke I. stav (1) alineja 1. ove odluke realizovat će se iz planiranih budžetskih sredstava za osnovne škole, sa ekonomskog koda 614200 - Tekući transferi pojedincima, a troškovi iz tačke I.

Na osnovu člana 8. i 23. Zakona o ministarstvima i drugim organima uprave Tuzlanskog kantona – prečišćeni tekst (“Službene novine Tuzlanskog kantona” broj: 10/18) i člana 160. stav (3) Zakona o srednjem obrazovanju i odgoju – prečišćeni tekst („Službene novine Tuzlanskog kantona“, broj; 10/20, 11/20, 8/21, 11/21, 22/21, 5/22, 10/22 i 11/22), ministar obrazovanja i nauke Tuzlanskog kantona donosi

## **O D L U K U**

### **o izmjenama i dopunama Odluke o utvrđivanju uslova i kriterija za stipendiranje učenika sa invaliditetom u srednjim školama na području Tuzlanskog kantona**

#### **Član 1.**

U Odluci o utvrđivanju uslova i kriterija za stipendiranje učenika sa invaliditetom u srednjim školama na području Tuzlanskog kantona („Službene novine Tuzlanskog kantona“, broj: 16/22) u članu 5. iza tačke c) dodaje se nova tačka d) i glasi:

„d) da ima status lica sa invaliditetom.“.

#### **Član 2.**

U članu 6. iza tačke b) dodaje se nova tačka c) i glasi:

„c) učešće na takmičenjima.“.

#### **Član 3.**

Član 7. mijenja se i glasi:

#### **„Član 7.**

#### **(Bodovanje po osnovu ostvarenog uspjeha u prethodnoj školskoj godini srednje škole)**

(1) Po osnovu općeg uspjeha postignutog u prethodno završenom razredu srednje škole kandidatu pripadaju sljedeći bodovi:

- a) odličan uspjeh – prosjek 4,50 do 5,00.....10 bodova
- b) vrlodobar uspjeh – prosjek 4,00 do 4,49..... 9 bodova
- c) vrlodobar uspjeh – prosjek 3,50 do 3,99..... 8 bodova
- d) dobar uspjeh – prosjek 3,00 do 3,49..... 7 bodova
- e) dobar uspjeh – prosjek 2,50 do 2,99.....6 bodova
- f) dovoljan uspjeh – prosjek 2,00 do 2,49 .....5 bodova.“.

#### **Član 4.**

Član 8. mijenja se i glasi:

#### **„Član 8.**

#### **(Bodovanje po osnovu stepena invalidnosti)**

Po osnovu stepena invalidnosti kandidatu pripadaju sljedeći bodovi:

- a) stepen invalidnosti od 90 do 100%.....10 bodova
- b) stepen invalidnosti od 80 do 90%..... 9 bodova
- c) stepen invalidnosti od 70 do 80%..... 8 bodova
- d) stepen invalidnosti od 60 do 70 %.....7 bodova
- e) stepen invalidnosti od 50 do 60 %.....6 bodova
- f) stepen invalidnosti od 40 do 50 %.....5 bodova
- g) stepen invalidnosti od 30 do 40 %.....4 boda
- h) stepen invalidnosti od 20 do 30 %.....3 boda
- i) stepen invalidnosti od 10 do 20 %.....2 boda.“.

#### **Član 5.**

Iza člana 8. dodaju se novi članovi 8a. i 8b. i glase:

#### **„Član 8a.**

#### **(Bodovanje po osnovu učešća na takmičenjima)**

Po osnovu učešća na takmičenjima (takmičenja iz predmeta nastavnog plana i programa, tehničkog i kulturno-umjetničkog stvaralaštva, književnih, likovnih, pozorišnih i muzičkih ostvarenja i iz oblasti sporta na općinskom, kantonalnom, federalnom, državnom i međunarodnom nivou) kandidatu pripadaju sljedeći bodovi:

- a) za osvojeno jedno od prva tri mjesta na takmičenju..... 5 bodova
- b) za učešće na takmičenju..... 2 boda.

#### **Član 8b.**

#### **(Prednost pri jednakom broju bodova)**

Ukoliko na rang listi dva ili više kandidata ostvare isti broj bodova, prednost na rang listi, odnosno prednost pri dodjeli stipendije, ostvarit će kandidat koji pohađa viši razred.”.

#### **Član 6.**

U članu 10. u stavu (3) tačka e) mijenja se i glasi:

„e) rješenje Instituta za medicinsko vještačenje zdravstvenog stanja kojim se utvrđuje postotak invalidnosti (original ili ovjerena kopija),“.

Iza stava (3) dodaju se novi stavovi (4) i (5) i glase:

„(4) Pored dokumentacije predviđene u stavu (3) ovog člana, kandidati mogu dostaviti i dokumentaciju (uvjerenja, potvrde, certifikate izdate od strane organizatora takmičenja) kojom se dokazuje učešće i osvojena prva tri mjesta na takmičenjima u svrhu bodovanja u skladu sa članom 8a. ove odluke.

(5) Sva dokumentacija koja se dostavlja uz prijavni obrazac mora biti u originalu ili ovjerenoj fotokopiji te na jednom od jezika u službenoj upotrebi u Bosni i Hercegovini (uz

dokument izdat na stranom jeziku potrebno je dostaviti i originalni prijevod sudskog tumača ili ovjerenu kopiju prijevoda).“.

#### **Član 7.**

Obrazac Prijave na konkurs za stipendiranje učenika sa invaliditetom u srednjim školama na području Tuzlanskog kantona iz priloga se mijenja i nalazi se u prilogu ove odluke.

#### **Član 8.**

Ova odluka stupa na snagu danom donošenja, a bit će objavljena u „Službenim novinama Tuzlanskog kantona“.

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**Ministarstvo obrazovanje i nauke**  
**Broj: 10/1-34-019225-2/22**  
**Tuzla, 11.11.2022. godine**

**MINISTAR**  
**Dr.sci. Ahmed Omerović, v.r.**

**Ministarstvu obrazovanja i nauke Tuzlanskog kantona  
Ul.Muhameda Hevaija Uskufija br:1/III, 75000 Tuzla**

---

---

(Ime, ime oca i prezime učenika, adresa i kontakt telefon)

**PREDMET: Prijava na konkurs za stipendiranje učenika sa invaliditetom u srednjim školama na području Tuzlanskog kantona**

Prijavaljujem se na konkurs za stipendiranje učenika sa invaliditetom u srednjim školama na području Tuzlanskog kantona u školskoj 2022/23.godini.

Uz prijavni obrazac dostavljam:

- a) uvjerenje o statusu redovnog učenika srednje škole u školskoj 2022/2023. godini (original ili ovjerena kopija),
- b) uvjerenje o državljanstvu (original ili ovjerena kopija),
- c) svjedočanstvo o prethodno završenom razredu srednje škole (original ili ovjerena kopija),
- d) ovjerena izjava da kandidat za stipendiju ne koristi ili nije dobitnik neke druge stipendije iz Budžeta Tuzlanskog kantona,
- e) rješenje Instituta za medicinsko vještačenje zdravstvenog stanja kojim se utvrđuje postotak invalidnosti (original ili ovjerena kopija),
- f) dokumentacija kojom se dokazuje učešće/osvojena prva tri mjesta na takmičenjima (original ili ovjerena kopija) – ukoliko kandidat istu posjeduje.

U \_\_\_\_\_ godine

**Podnosilac prijave**

---